



Cumün da Scuol

Dal cussagl cumünal

In sias ultimas sezzüdas ha il cussagl cumünal trattà surtuot las seguintas fatschendas:

Plan da quartier Prasad-cher II (Via da S-charl)

Il cussagl cumünal ha decis – davo üna dumonda da personas privatas – d'introdüer la procedura dal plan da quartier pel territori Prasad-cher II / Via da S-charl. Il böt da quist plan da quartier es impustüt quel da reglar l'avertüra e da far üna parcellaziun sco eir da reglar la surfabricaziun e fuormaziun. La publicaziun es fingià gnüda fatta. Ün dals possessuors da las parcelas pertoccas s'ha express cunter l'introducziun dal plan da quartier. Il cussagl cumünal ha però tuottüna decis dad introdüer tal siond cha quai es la premissa per chi's possa insomma fabricar ils prossems ons in quist cuntegn.

Plan da quartier Val-Corgnuns

Il plan da quartier Corgnuns es gnü fat dal 1986. Il territori es per gronda part fingià surfabrichà. Per pudair surfabricar eir las parcelas amo libras faja dabsögn da surelavurar ed adattar il plan da fuormaziun e'l plan d'avertüra. Plünavant ston gnir adattadas las prescripziuns dal plan da quartier a la nouva ledscha da fabrica chi'd es in vigur daspö december 2005.

Il cussagl cumünal ha acceptà las prescripziuns adattadas. El ha eir discus il tema protecziun da funtanas, quai in connex culla via d'access. Il territori dal plan da quartier as rechatta in vicinanza da la fontana minerala da Vi. Il cussagl ha decis perquai da far far amo sclerimaints geologics, insembel cul uffizi chantunal per natura ed ambiant (ANU).

Avegnir dals reviers forestals

Ils capos da Scuol fin Samignun han discus, sün iniziativa dal capo da Ramosch, davart l'avegnir dals reviers forestals illa regiun. Ramosch ha inizià la discussiun regard eventualas novas collavuraziuns resp. novs reviers forestals illa part suot da l'Engiadina Bassa. Il cumün da Scuol ha in fuond üna situaziun satisfacenta cun seis revier forestal ch'd ha surtut vi e plü otras incumbenzas dasper la lavur forestala. Tuottüna es il cussagl cumünal da Scuol da l'avis chi's dessa far part a l'evaluaziun dals reviers forestals dals cumüns da Valsuot. Il silvicultur da revier da Scuol piglia part a las sezzüdas.

Char da mort

Jon Roner chi'd es stat fin uossa la persuna responsabla per manar il char da mort ha desdit quista carica. Il cussagl cumünal es da l'avis cha quista tradiziun saja da mantgnair ed ha elet a Men Juon cun vigur immediata sco successur.

Plattafuorma per bella vista pro l'@-Center

Il cusglier Jon Roner ha intimà cha'l cumün pudess plazzar ün muossalös sün quista plattafuorma. Lapro as tratta dad ün punct da bella vista ingio chi vegnan indichats ils lös marcants chi's vezza davent da quel lö. Il cussagl salüda quist'idea e propuona d'instituir üna pitschna cumischiun chi s'occupa dal proget.

Sarinera Sotruinas: sanaziun dal gasometer

Il gasometer existent nu correspuonda plü a las normas da sgürezza e sto gnir rimplazzà fin il plü tard la mità da quist on. Il cussagl cumünal ha deliberà l'import da CHF 100'000.-- sco part da Scuol. I's tratta d'üna expensa liada (mantegniment).

Surdattas da lavuors:

Sanaziuns da vias, lavuors d'indschegners

- Stradun, seguond'etappa: Caprez Indschegners SA, Scuol (planisaziun e direcziun da fabrica).
- Via da la Staziun: Canclini + Peer ScrL., Scuol (chanalisaziun e direcziun da fabrica)
- Via da quartier Sotchà: Canclini + Peer ScrL.
- Via da Liuns: Canclini + Peer ScrL.

Chasa Central

Fanestras: EgoKiefer AG, Landquart

Portas externas/internas: Roner SA, Scuol

Installaziuns electricas: Impraisa electrica Scuol / Electra Buin SA, Scuol

S-chodamaints: Guido Christoffel, Scuol

Installaziuns sanitaras: Stecher SA, Scuol

Chadafös: Thomas Meyer, Tarasp

Giessin: Greiner AG, Bever

Lavuors da metal: Jachen Bischoff, Scuol

Lavuors da falegnam in general: Spiller, Scuol

Fuonds: Not Neuhäusler, Scuol

Plattinas: Friedt SA, Scuol

Plafonds: Impraisa Mario GmbH, Scuol

Lavuors da pittur: Edgar Stocker, Scuol

Chanalisaziun Schinnas

Lavuors d'impressari: Bezzola Denoth SA, Scuol

Installaziuns sanitarias: Guido Christoffel, Scuol

Surtratta: Palatini SA, Crusch

Deponia Sotruinas

Pro la deponia Sotruinas sun da far perforaziuns da sondascha. L'incumbenza correspundenta es gnüda surdatta a la firma Stump ForaTec AG, Cuaira.

Parcella 187, fuormaziun dals cuntuorns

Il cussagl cumünal ha dat ün permiss excepziunal a Not Neuhäusler per salaschar la piazza al süd da si'anteriura officina da pittur/vernischader d'autos. Quist terrain as rechatta daspö il 2005 aint illa zona verda ingio chi nu füssan admissas surtrattas fermas.

Il cussagl ha dat fingià divers da quists permiss excepziunals. Per regola nu disturba la salaschada, anzi quella as verifichescha in bliers cas plü bain co üna surtratta cun gera o giatreras da crappa ("Rasengittersteine"). Il cussagl es perquai da l'avis cha l'artichel correspondent illa ledscha da fabrica (art. 60) saja da müdar in occasiun da la prosma revisiun.

Plünavant ha il cussagl legalisà las plazzas da parcar sün quista parcella chi nu füssan neir admissas pervi da la zona verda. Ellas existan però daspö 30 ons e sun adüna darcheu gnüdas acceptadas davart dal cumün.

Fabricat sainza permiss

Üna lobia pro ün fabricat nouv es gnüda fabrichada oura sco veranda. Quella nu correspuonda ne a la ledscha da fabrica ne al plan da quartier chi vala in quel lö. Ella sto perquai gnir rimplazzada cun üna construcziun chi tegna aint las prescripziuns.

Dumondas da fabrica

Il cussagl resp. la direcziun han dat ils seguaints permiss da fabrica:

- a l'hotel Bellaval per üna s-chala chi colliescha la staziun da las Pendicularas cul üert da l'hotel
- a la famiglia Erni per üna terrassa davant lur abitaziun sper il Stradun
- a Not Neuhäusler per ün container sper sia officina da vernischader d'autos in Manaröl
- a Mengia Ritz per ün tet davant l'entrada da sia chasa in Sotchà Dadora
- a Töna Bischoff, Pradella, per transfuormar üna stalla in üna garascha/ün magazin
- a la Buttega per üna terrassa cuernada al vest da la Chasa Monreal
- al cumün da Scuol per renovaziuns e restructuraziuns giò'l planterrain da la chasa Central

sco eir per progets plü pitschens sco tablas da recloma, renovaziuns da fatschadas/tets, rimplazzar/ingrondir fanestras eop.

Il cussagl ha plünavant refüsà üna dumonda da princip per üna lobia sün ün tet illa zona dal cumün vegl.